



Gemeinsam Äntwert vum Här Inneminister, Léon Gloden, a vun der Madame Justizministesch, Elisabeth Margue, op d'parlamentaresch Fro N° 3585 vum 3. Februar 2026 vum honorabelen Deputéierten Marc Goergen zum Sujet "Organisation du transport des détenus".

Froen 1 bis 3

Wéi vill Arrestantentransporter sinn an de leschten dräi Joren, opgeléicht pro Joer, duerch d'Police duerchgefouert ginn?

Wéi vill Policebeamten a wéi vill Aarbechtszäit ginn aktuell fir den Arrestantentransport agesat?

Wäert d'Regierung dru festhalen, datt den Arrestantentransport weider vun der Police duerchgefouert gëtt oder kënt et des Legislatur nach zu enger Ännerung?

An der parlamentarecher Fro n°3160 vum 5. November 2025 vun den honorabelen Députéierten André BAULER an Simone BEISSEL gouf den Arrestantentransport thematiséiert a chiffréiert.

Zu der Unzuel vun den Transporter zwëschent deene verschiddenen Prisongen an deene verschiddenen Gerichter an der Stad Lëtzebuerg an zu Dikrech, kann d'Police follgend Zuelen aus de leschten dräi Joer matdeelen:

2023	2492 Transporter
2024	2072 Transporter
2025	2524 Transporter

Et ass och an där Fro präziséiert ginn, dass Transporter tëscht deenen zwee Prisongen an de respektive Gerichter just een Drëttel vun de Missiounen vum Service vun der Unité de Garde et d'Appui Opérationnel (UGAO, Service de Garde et de Protection), dee mat esou Transporter beoptraagt ass, ausmaachen. Zu deenen Transporter kommen ënner anerem Transporter fir medezinesch Visitten, Transporter zwëschent de Prisonge selwer, wéi och Transporter aus dem Centre de Réention an der UNISEC, dobäi.

Den Total vun den Transporten an de leschten dräi Joer beleeft sech op:

2023	3722 Transporter
2024	3266 Transporter
2025	3839 Transporter

Den Impakt vum Total vun dësen Arrestantentransporter op den Aarbechtsopwand vun der Police ass am Tableau hei drënner chiffréiert. Dobäi ass weiderhin eng konstant Erhéijung vum Aarbechtsopwand duerch den Arrestantentransport¹ ze vermierken. Dës Erhéijung ass ënnert anerem och d'Konsequenz dovunner, datt d'Unzuel vun de Prisonéier déi leschte Méint an d'Luucht gaangen ass, wat dozou féiert, dass méi Prisonéier transportéiert musse ginn. Et ass och d'Konsequenz vu verstärkten operationellen Aktivitéiten, besonnesch méi Interpellatiounen a judiciaire Prozeduren, déi zu méi Transferte féieren. Och déi verstärkt Policepresenz dréit zu dëser Erhéijung bäi.

¹ Arrestantentransport regroupéiert Transport vun „prévenus“ a „condamnés“



Missions	Durée moy.	2023			2024			2025		
		Nbr policiers	Hr/Ho policier	en %*	Nbr policiers	Hr/Ho policier	en %*	Nbr policiers	Hr/Ho policier	en %*
Trib. Lux auditions et prononcés	4	1.604	6.416	14%	1.328	5.312	10%	1.558	6.232	12%
Trib. Lux chambre Conseil	2	371	742	2%	329	658	1%	435	870	2%
Trib. Diekirch auditions, prononcés et ch. Conseil	5	557	2.785	6%	441	2.205	4%	426	2.130	4%
Juge d'instruction (Trib. Lux et Diek)	5	2.037	10.185	21%	1.909	9.545	19%	2.065	10.325	20%
Visites médicales	2	1.824	3.648	8%	1.764	3.528	7%	1.935	3.870	8%
Unité de sécurité pour mineurs (Unisec)	4	134	536	1%	215	860	2%	150	600	1%
Extraditions et remises	2	321	642	1%	324	648	1%	575	1.150	2%
Transferts CPU-CPL	1	368	368	1%	847	847	2%	536	536	1%
Gardes hôpitaux	9	1.366	12.294	26%	1.898	17.082	34%	1.734	15.606	30%
Coordination	5	551	2.755	6%	588	2.940	6%	467	2.335	5%
Audienciers	5	1.406	7.030	15%	1.465	7.325	14%	1.522	7.610	15%
Total		10.539	47.401	100%	11.108	50.950	100%	11.403	51.264	100%

* = pourcentage de la charge de travail

Source: Police grand-ducale

Aus dësem Tableau ergëtt sech deemno virun allem:

- de Stonnevolum (‘‘heures/hommes’’) fir d’Missioun vum Arrestantentransport ass vu 47.401 Stonnen 2023 op 51.264 Stonnen 2025 geklommen;
- d’Missioun vum Arrestantentransport huet am Joer 2025 ganzer 46 Agente pro Dag mobiliséiert, géint 42 Agenten am Joer 2023 a 44 Agenten am Joer 2024 (op 250 jours ouvrables gerechent);
- d’Missioun vun de ‘‘Gardes hôpitaux’’ representéiert bei Wäitem de gréissten Deel vun dësen Aktivitéite vum UGAO, am Joer 2025 hunn dës 30 %, also bal een Drëttel, vum totale Stonnevolum duergestalt.

All Arrestantentransport wäert ëmmer Personalressource kaschten. Fir d’Regierung ass et dohier emol wichtig, datt insgesamt d’Unzuel un Arrestantentransporter esouwäit wéi méiglech reduzéiert gëtt. Gläichzäiteg ass et wichtig, datt och an d’Zukunft déi Arrestantentransporter, déi musse stattfannen, sou gutt ausgefouert ginn, wéi dat haut awer assuréiert gëtt.

No Consultatioune mat alle betreffenen Acteuren, gouf vun de verschiddenen Acteuren um Terrain, vun der Police, de Justizautoritéiten an der Administration pénitentiaire, dofir zesummen dru geschafft, fir verschidde Mesuren ëmzesetzen, déi d’Gefaangenentransporter solle reduzéieren. Dëst mam klaren Zil, fir d’Police an enger éischer Phase emol maximal ze entlaaschten.

An enger Reunioun vum Inneministère mat de Policesyndikater vum Dezember 2025 ass de Sujet nach emol opgeworf ginn. Dobäi gouf vun de Policesyndikater awer bemierkt, dass d’Efforten déi bis dato gemaach gi sinn, definitiv net duerginn, a just ee klengen Impakt haten, well e.a. parallel zu den Efforten och d’Zuel vu Gefaangenen duerch déi verstärkten Aarbecht vu Police a Justiz an d’Luucht geet.



Zu der Unzuel u Prisonéier ass deemno dës Tendenz feststellen:

	CPL (Centre pénitentiaire de Luxembourg)	CPU (Centre pénitentiaire d'Uerschterhaff)	CPG (Centre pénitentiaire de Givenich)
31/12/2023	274	260	65
31/12/2024	321	248	68
31/12/2025	366	315	69

Dofir gouf sech politesch engagéiert fir zäitno nach emol no weidere Léisungen ze sichen an zousätzlech Mesuren en place setze fir d'Transporter kënnen ze reduzéieren.

Lëtzebuerg, den 12. Mäerz 2026
Den Inneminister,
(s.) Léon Gloden